



# Rimnada sistemica da dretg communal dalla vischnaunca da Sagogn

---

**Nummera** 180.01.01

**Tetel** **Reglement da taxas dalla lescha da  
baghegiar**

Ordinaziun da taxas per la procedura per lubientschas da  
baghegiar

**Ediziuin** Ediziuin dils 12.03.1982

**Valeivel** 12.03.1982

## **Remarca preliminar**

Ord motivs da simplificaziun serefereschan indicaziuns da personas, funcziuns e mistregns en questa constituziun, lescha ni reglement mintgamai sin omisduas schlatteinas, expriu ch'ei vegn menziunau explicit zatgei auter egl artechel.

# Cuntegn

## I. Disposiziuns generalas

3

## I. Disposiziuns generalas

Sebasond sigl art. 119 (niev 111) dalla lescha da baghegiar (LB) relai la vischnaunca da Sagogn la suandonta ordinaziun da taxas per la procedura per lubientschas da baghegiar.

Applicaziun

### Art. 1

<sup>1</sup> Quell'ordinaziun da taxas vegn applicada per tuttas proceduras per lubientschas da baghegiar che vegnan exequidas dall'istanza da baghegiar sco era tier proceduras en cass da contravenziuns viers la lescha da baghegiar.

<sup>2</sup> Ella ei era applicabla per las proceduras da lubientscha ch'eiin prevedidas els reglements d'avertura.

Damondas per baghetgs novs, annex e construcziuns sin tetg sco era midadas da baghetg

### Art. 2

<sup>1</sup> Per tractar damondas da baghegiar tenor art. 119 alineia 1 cefra 1 LB vegn ei encassau ina taxa da frs. -.30 per m<sup>3</sup> cubatura dalla construcziun, denton sil pli pauc frs. 50.--.

<sup>2</sup> Quella taxa per tractar cuarcia las spesas normalas dalla vischnaunca per examinar, publicar e tractar la damonda da baghegiar sco era ils cuosts da canzlia.

a) taxa per tractar

b) Cuosts supplementars

### Art. 3

<sup>1</sup> Sco cuosts supplementars ch'eiin buca curclai tras la taxa per tractar, valan las suandontas prestaziuns dalla vischnaunca:

- a) ils cuosts per las controllas da baghegiar e las controllas posteriusas,
- b) las expensas per consultaziuns da baghegiar,
- c) ils cuosts per expertisas,
- d) discuors e conferenzas cul petent,
- e) per far specialmein diever dall'istanza da baghegiar

<sup>2</sup> Ils cuosts supplementars dalla vischnaunca vegnan mess a quen al petent mintgamai tenor las tariffas d'indemnisaziun pils funcziunaris communal.

<sup>3</sup> Ils cuosts per expertisas d'ordeifer vegnan mess a quen al petent tenor il quen tschentaus digi expert.

Autras decisiuns  
en fatgs da  
baghegiar

**Art. 4**

<sup>1</sup> Per tuttas proceduras da baghegiar che pertuccan buca las dispiziuns dils art. 2 e 3 sco era per decisiuns da fallonza, da restabiliment e decisiuns preliminaras vegn ei incassau ina taxa calculada tenor las expensas effectivas dalla vischnaunca, denton silmeins frs. 20.—

<sup>2</sup> La taxa ei da quintar tenor las disposiziuns digl art. 3 alinea 2 e 3.

Refusaziun e  
midada dalla  
damonda da  
baghegiar

**Art. 5**

<sup>1</sup> Per damondas da baghegiar refusadas e tier midadas da projects da baghegiar lubi eis ei generalmein d'incassar ina taxa che correspunda als cuosts caschunai (Art. 4).

Renunzia alla  
lubientscha da  
baghegiar

**Art. 6**

<sup>1</sup> Vegn in project da baghegiar lubius buca exequius, ston las taxas fixadas tuttina vegnir pagadas.

<sup>2</sup> Taxas gia pagadas vegnan buca restituidas..

Fixar las taxas

**Art. 7**

a) Damondas  
per baghetgs  
novs an-  
nex,accessoris e  
construcziuns  
sin tetg sco era  
per midadas da  
baghetgs

<sup>1</sup> La taxa per tractar, culponta tenor art. 2, vegn fixada e calculada il mument che la lubientscha da baghegiar vegn dada, e quei sin fundament dallas indicaziuns tenor la damonda da baghegiar ensemen cun las taxas culpontas per expensas supplementaras gia succedidas tenor art. 3. Quella taxa per tractar vegn communicada al petent ensemen cun la lubientscha da baghegiar.

<sup>2</sup> Ils cuosts per las controllas da baghegiar sco era expensas supplementaras che seresultan pli tard per la vischnaunca, ein da comunicar al petent en ina speciala decisiun sunter la collaudaziun dil baghetg.

b) Ulteriuras  
taxas

**Art. 8**

<sup>1</sup> Tuttas taxas, buca suttamessas allas disposiziuns dils art. 2 e 3 vegnan fixadas dall'istanza da baghegiar sin proposta dalla cumissiun da baghegiar ed ein da comunicar al petent ensemen cun la decsiun davart la lubientscha da baghegiar.

Pagament dallas **Art. 9**

taxas

<sup>1</sup> Tuttas taxas ein da pagar enteifer 30 dis dapi la consignaziun dalla decisiun, denton en mintga cass avon ch'entscheiver a baghegiar.

Vigur

**Art. 10**

<sup>1</sup> L'ordinaziun presenta va en vigur suenter ch'ella ei acceptada dalla radunonza communal dil mument che la lescha da baghegiar revidida ei vegnida approvada dalla Regenza.

Concludiu dalla radunonza communal da Sagogn ils 12.03.1982.

<b>Ediu tras</b>			
<b>Acceptau tras</b>	radunonza communal	<b>ils</b>	12.03.1982
<b>Controllau tras</b>			
Igl exemplar visaus ei disponibels sin canzlia communal.			